

# Հ Ա Շ Վ Ե Տ Վ ՈՒ Թ Յ ՈՒ Ն

## 1. Անունը, ազգանունը

Տիգրան Խաչատրյան

## 2. Զբաղեցրած պաշտոնը

ՀՀ էկոնոմիկայի նախարար

## 3. Գործուղման վայրը և ժամկետը

2020թ. հուլիսի 24

Արցախի Հանրապետություն, ք. Ստեփանակերտ

## 4. Հրավիրող կողմը

Արցախի Հանրապետության գյուղատնտեսության նախարար

## 5. Գործուղման նպատակը աշխատանքային ո՞ր խնդրի լուծման համար էր նախատեսված գործուղումը

Տնտեսությանը, մասնավորապես, գյուղատնտեսության զարգացմանն առնչվող համատեղ ծրագրերի քննարկում:

## 6. Քննարկված թեմաները

- գյուղատնտեսության ոլորտում իրականացվող քաղաքականությունը,
- ագրարային բնագավառում իրականացվող ծրագրերն ու նախաձեռնությունները,
- պարենային ապահովության և անվտանգության խնդիրները,
- երկու հանրապետությունների գործընկեր կառույցների միջև փոխհամագործակցության խորացման հնարավորությունները:

## 7. Հանդիպումները, ելույթները, բարձրացված, քննարկված հարցերը

Այցի շրջանակներում ՀՀ էկոնոմիկայի նախարար Տիգրան Խաչատրյանի գլխավորած պատվիրակությանն ընդունել է Արցախի Հանրապետության նախագահ Արայիկ Հարությունյանը: Արցախի նախագահը նշել է, որ փոխգործակցության հիմքում ունենալով ԱՀ և ՀՀ տնտեսությունների զարգացման հնարավորություններն ու հեռանկարները՝ առաջիկա տարիների տեսլականում շատ կարևոր է ուշադրությունը սևեռել պարենային ապահովության և անվտանգության խնդիրներին: ՀՀ էկոնոմիկայի նախարարն ընդգծել է, որ Արցախի գործընկերների հետ քննարկում են այն հիմնական ուղիները, որոնք հնարավորություն են տալու արդյունավետ կերպով ապահովել նախանշած արդյունքները: Այդ համատեքստում դիտարկվում են առկա ռեսուրսները և համեմատական առավելություններ ընձեռող գործոնները, որպեսզի հնարավոր լինի ապահովել առավելագույն արդյունավետություն:

Հանդիպման ընթացքում քննարկվել է նաև երկու կառավարությունների կողմից տնտեսվարող սուբյեկտների աջակցման նպատակով կիրառվող գործիքակազմերի ներդաշնակեցմանը և տնտեսական առաջնահերթություններին վերաբերող հարցերի լայն շրջանակ:

Այցի շրջանակում տեղի է ունեցել Տիգրան Խաչատրյանի և ԱՀ գյուղատնտեսության նախարար Աշոտ Բախշիյանի հանդիպումը, որի ընթացքում քննարկվել են երկու պետությունների գյուղատնտեսության ոլորտի առաջնահերթ ուղղություններին, պետական օժանդակության ծրագրերում կատարված փոփոխություններին ու լրամշակումներին, երկու գերատեսչությունների միջև գյուղատնտեսության բնագավառում համագործակցության հեռանկարներին և երկուստեք հետաքրքրություն ներկայացնող մի շարք այլ խնդիրներին վերաբերող հարցեր:

Նախարար Տիգրան Խաչատրյանն ընդգծել է, որ հանդիպման կարևոր նպատակներից է քննարկել գյուղատնտեսության ոլորտում իրականացվող քաղաքականությունը, գույքագրել երկու կողմերում առկա օժանդակության գործիքակազմը և միասնական քայլերով, առկա մարտահրավերների հաղթահարման միջոցով հասնել ոլորտի առավել արդյունավետ զարգացմանը և պարենային անվտանգության ապահովմանը, որը երկու պետությունում հարկավոր է դիտարկել որպես ընդհանուր խնդիր:

ԱՀ գյուղատնտեսության նախարար Աշոտ Բախշիյանը նշել է, որ երկու պետությունների համար գյուղատնտեսությունը ռազմավարական նշանակություն ունեցող տնտեսության ճյուղ է և ներկայում Արցախի Հանրապետության գյուղատնտեսության առաջնային խնդիրներից է դեպի ոլորտ նոր ներդրումների ներգրավումը:

Հանդիպման ընթացքում քննարկվել են ՀՀ և ԱՀ ագրարային բնագավառում իրականացվող ծրագրերն ու նախաձեռնությունները, ընդգծվել է երկու պետությունների ծրագրերը ներդաշնակեցնելու կարևորությունը: Առանձին անդրադարձ է կատարվել Հայաստանում մեկնարկած աշնանացան ցորենի արտադրության խթանման ծրագրին:

Նախարարները համակարծիք էին, որ ոլորտում մշակվող և իրականացվող պետական օժանդակության ծրագրերը պետք է ուղղվեն գյուղատնտեսության մեջ ներգրավված տնտեսվարողների շահութաբերության ավելացմանը և արտադրողականության բարձրացմանը:

Նախարարները շրջայց են կատարել «Ոսկե կաթիլ» ձեթի արտադրամասում, որտեղ արտադրվում է արևածաղկի, կտավատի, հլածուկի գտված և չգտված ձեթ: Շրջայցի ընթացքում հյուրերին ներկայացվել են առկա արտադրական հզորությունները, ընկերության առաջիկա ծրագրերը:

Այցի շրջանակներում կայացել է նաև հանդիպում Արցախի Հանրապետության էկոնոմիկայի և արտադրական ենթակառուցվածքների նախարար Լևոն Գրիգորյանի հետ: Քննարկվել են երկու նախարարությունների համագործակցությանն ուղղված ոլորտային հարցեր:

Նախարարներն ընդգծել են երկու հանրապետության գործընկեր կառույցների համագործակցության կարևորությունը և պայմանավորվածություն են ձեռք բերել՝ փոխադարձ այցերի և փոխհամագործակցության խորացման ուղղությամբ:

## **8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը**

Հանդիպման շրջանակում Հայաստանի Հանրապետության էկոնոմիկայի նախարարության և Արցախի Հանրապետության գյուղատնտեսության նախարարության միջև ստորագրվել է համագործակցության հուշագիր, որի նպատակն է մշակել և իրականացնել տեխնիկական ու գիտական համագործակցություն, իրագործել նախագծեր և ծրագրեր գյուղատնտեսության բնագավառում:

Փաստաթղթով նախատեսվում է երկկողմ համագործակցություն, մասնավորապես, պարենային անվտանգության ապահովման, Հայաստանի Հանրապետությունում և Արցախի Հանրապետությունում գյուղատնտեսական մթերքի վերամշակման և իրացման աշխատանքների համատեղ պլանավորման, բուսաբուծության և պտղաբուծության, սերմնարտադրության, բանջարեղենի արտադրության, խաղողագործության և գինեգործության, անասնաբուծության և անասնաբուժության, ՀՀ էկոնոմիկայի նախարարության և ԱՀ գյուղատնտեսության ոլորտի մասնագետների համատեղ վերապատրաստման և միջազգային կազմակերպությունների կողմից կազմակերպվող միջոցառումներին նրանց մասնակցության ապահովման, ագրոբիզնեսի հետազոտությունների իրականացման ոլորտներում, ինչպես նաև երկկողմ հետաքրքրություն ներկայացնող համագործակցության այլ ծրագրերի շրջանակում:

**9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները**

- Երկու հանրապետության գործընկեր կառույցների համագործակցության խթանում՝ փոխադարձ այցերի և փոխհամագործակցության խորացման միջոցով,
- գյուղատնտեսության բնագավառում իրականացվող ծրագրերի ներդաշնակեցում

#### 10. Գործուղվողները


ՀՀ էկոնոմիկայի նախարար Տիգրան Խաչատրյան

ՀՀ էկոնոմիկայի նախարարի տեղակալ Տիգրան Գաբրիելյան

ՀՀ էկոնոմիկայի նախարարի տեղակալ Արման Խոջոյան

ՀՀ էկոնոմիկայի նախարարի մամուլի քարտուղար Աննա Օհանյան

#### 11. Ստորագրությունը, ամսաթիվը

  
27. 07. 2020